

NALUKASAN

ni Tony Alamo

“Adtoy ti kinasirib. Palubosam a ti addaan pannakaawat bilangenna ti numero ti ayup: ta isu daytoy ti numero ti tao [maysa a klase ti tao - “tao ti basol”¹]; ket ti numerona ket Innem a gasut innem a pulo ket innem” (666) (Paltiing 13:18—Juan 6:66).

TI NUMERO ITI JUAN 6:66 KET SAAN A NAIRANRANA

Ti pannakaipatarus ti anticristo ket masarakan iti Ebanghelio ni San Juan 6:66: “Nanipud iti dayta a kanito **ADU KADAGITI DISIPULONA** [dagiti disipulo ni Jesus] **KET NAGSANUD, KEN SAANDAN A NAKIPAGNA KENKUANA.**”

Impatarus manen ni Apostol Juan daytoy a kinapudno idia y I Juan 2:18-19: “Babassit nga ubbing, daytoyen ti maudi nga oras [murdong ti oras]: ket kas nangngegyo nga umayto ni **ANTICRISTO**, uray itan addan **NAGADU** nga **ANTICRISTO**; isu nga ammotayo nga isun ti maudi nga oras. **RIMUARDA** [dagiti dati a Cristiano] **MANIPUD KADATAYO**, ngem saanda a naibilang kadatayo; tano maysada kadatayo, awan duadua a makipagtultuloyda kadatayo: ngem **RIMUARDA**, tapno maipalgak a saantayo ida a kadua.” Iti daytoy a bersikulo, inaramid dagiti dati a disipulo ni Juan ti isu met laeng a panagtabbaaw nga inaramid dagiti disipulo ni Cristo idia y **JUAN 666** “**NAGSANUD, KEN SAANDAN A NAKIPAGNA [ITI APO]**” Daytoy a bersikulo ti mangipakita a ti 666 ti “numero ti tao,” ti klase ti tao nga agsanud ken ni Cristo, panawanna ti Dios, ken agbalin a maysa kadagiti adu nga anti-Cristo a miembro ti bagi ni Satanas a maaw-awagan ti Ayup.

Ti estratehia ni Satanas ket iti panangsapulmo iti anti-Cristo iti sabali a tao imbes nga iti bukodmo. Imbaga ni Apostol Juan, “Ti manglibak iti Ama ken iti Anak, isuna ti anticristo” (I Juan 2:22).

DAGITI NAPILI A BAGI

“Dicay ammo a dacay ti Templo ti Dios, ket, ti Espiritu ti Dios agtaeng cadacayo? No siasinoman a tao dadaelenna ti Templo ti Dios, isu rebbaento ti Dios; ta ti Templo ti Dios nasantoan; ket dayta a Templo dacayo” (I Corinto 3:16-17).² Kuna ti Sao ti Dios, “Ni Jesu-Cristo adda cadacayo, malacsid no adda pacabalawanyo” (II Corinto 13:5).

Ni Judas a nagliput ken ni Cristo ket dati nga apostol

a nangaramid kadagiti aramid ni Cristo. Inkasabana ti ebanghelio, inkararagna dagiti masakit, nagkanta kadagiti pammadayaw iti Dios, ngem nagbalin a managbasol nga anticristo, “ti anak ti pannakadadael” (Juan 17:12), “ti tao ti basol” (II Tesalonica 2:3), miembro ti Ayup nga addaan iti numero a 666 idi “simrek ni Satanas kenkuana” (Juan 13:27).

Ni Juan ti nagsaludsod, kabayatan a nakasanggir iti barukong ni Jesus, “Apo sinno kadi?” (Juan 13:25), idi kuan naawatna amin dagiti paltiing manipud ken ni Jesus no sinno ti mangliput kenkuana, ti paltiing ti 666, “ti tao ti basol,” ken ti “anak ti pannakadadael” ken kalpasanna ti Roma, “ti ayup,” “ti naindaklan a balangkantis,” ti “ina dagiti balangkantis,” ken ti entero a libro ti Paltiing. Naminlima laeng a naiparang ti nagan nga Anticristo iti entero a Biblia ken kadagiti laeng insurat ni Apostol Juan.

Impadto ni Daniel ti adu a klase iti kastoy a tao, ti “tao ti basol” a mangawat iti numero ti Ayup a 666 kadagiti maudi nga al-aldaw, sakbay ti maikadua a yaay ni Cristo. “Agsublinto pay isuna [ni Satanas] ket maddaan iti kinalaing [pannakaawat] **KADDUANA DAGIDIAY A MANGLAKSID ITI NASANTOAN A TULAG** [dagidiay immadayo manipud ken ni Cristo]” (Daniel 11:30). Ti Nasantoan a Tulag a nagnomoan ti Dios ken dagiti Cristiano a tungpalen ket naipalawag ditoy: “Agtaengak kadakuada, ken magna kadakuada; ket Siakto ti Diosda, ken isudanto ti agbalin a tattaok” (II Corinto 6:16).

No labsingen dagiti Cristiano daytoy a tulag, mapasamak ti Mateo 12:44-45. Imbaga ni Jesus ti maipapan iti narugit nga espiritu nga agpanpanunot a nalaaw; “Agsubliakto [Satanas] iti balayko [bagi ti tao] a rimmuarak.” Intuloy ni Jesus, “ket inton umay isuna, masapulanna nga awan kargana, nasagadan, ken naurnos. Ket mapanto ken mangala iti pito a sabali nga espiritu a nadakdakes pay ngem isuna, ket sumrekda [ti bagi ti dati a Cristiano] ket agnaedda sadiay: ket ti naudi a kasasaad dayta a tao ket nakarkaro ngem di

¹ 2 Tes. 2:3, Juan 17:12 ² 2 Cor. 6:16, 1 Cor. 6:19, Ef. 2:22, 1 Pedro 2:5

damo. Kastoyto met ti mapadteng daytoy a dakes a henerasion” (Mateo 12:44-45).

Adu a bersikulo ti mangpaneknek nga adda panna-kaammo ti Dios maipapan iti maudi nga oras ken iti dakkel a panaglammiis dagiti adu nga Judas nga anti-cristo, dagidiay a nakangngeg iti Sao ti Dios, inawatda ti agnanayon a biag, sada linaksid daytoy, linabsingda ti Nasantoan a tulag, tapno surotenda ni Satanas.

“Ket gapu iti daytoy ibaonto ti Dios kadakuada ti nabileg nga allilaw, tapno patiantanto ti ulbod: Tapno aminda ket mailunod, isuda a saan a mamati iti kina-pudno ngem nagragsakanda ti kinakillo” (II Tesalonica 2:11-12).

Ti nabileg nga allilaw ket naipatarus babaen iti Webster kas “pannakadadael ti panunot,” “panag-am-ammangaw,” “panagkamali” iti punto a patienda a literal ti agul-ulbod a panagam-ammangawda kadagiti bukodda a panagkamali. Saankad’ a kasta ti lubong ita?

Ti basol nga inaramidda ket panangtabbaaw a mai-busor iti Espiritu Santo, nga isu ti kadakkelan ken saan a mapakawan a basol - saan a mapakawan iti daytoy a lubong wenno iti lubong nga umay (Mateo 12:32). Kinay-kayatda nga agtaeng kadagiti bagida ti korap nga espiritu ni Satanas ngem ti Nasantoan nga Espiritu ti Apo, ken “imbilangda ti dara ti tulag, a nangdalus kenkuana [ti dati a Cristiano], kas saan a nasantoan a banag, ken inaramidda uray iti Espiritu ti paratur” (Hebreo 10:29). “Ken gapu ta saanda [dagiti dati a Cristiano] a kayat a **PAGTALINAEDEN TI DIOS ITI PANUNOTDA** [salimetmetan ti tulagda iti Dios], inyawat ti Dios ida iti managbasol a panunot” (Roma 1:28). “Gapu ta ti banag maipapan iti Dios ket naipa-kaammo kadakuada; ta impakita ti Dios kadakuada ... tapno awan ti pagpambarda: Gapu ta uray **AMMODA TI DIOS** [dagiti laeng Cristiano ti makaammo iti Dios], saanda a pinadayawan isuna kas Dios, wenno nagyamanan; nagbalin nga awan serserbina kadagiti kapampanunotanda, ket ti maag a pusoda ket lim-midem” (Roma 1:19-21). Kuna ni Jesus, “Agalluadkayo ta awan koma ti tao a mangallilaw kadakayo. Ta adunto ti umay iti naganko, nga ibagbagada, siak ti Cristo; ket mangallilawda iti adu” (Mateo 24:4-5).

Dagiti Cristiano a saan pay a napno iti napigsa a panagbuteng iti Dios ket kurang pay iti pannakaawat iti kinauneg dagiti nasantoan a surat, iti pannakaammo a ti Ayup ket minimillion nga anticristo. Ek-ekspektaren dagiti Cristiano a dagiti palso a propeta iti maud-udi a panawen a sinarita ni Jesus ket agparang

kas pastor, mangaskasaba, ken manursuro, ngem saan pulos kas miembro ti motion picture ken dagiti industria ti telebision. Dagiti mensahero ni Satanas ket dagiti artista a lalaki ken babai, recording artists, talk show hosts, “dagiti eksperto,” miembro ti kleriko, palso nga iglesia, ken ofisiales manipud iti amin nga uppat a sangay ti gobierno, ti maikapat ket ti news media. Sinno ngarud ti mangekspektar kadagiti palso a propeta iti sistema ti edukasion? Ken sinno ngarud ti mangekspektar nga ipalubos dagiti nagannak a masuroan dagiti annakda kadagiti ugma, satanic, pilosofia dagiti okulto, nangisit a mahika, ken panag-gamud—Ti kinasirib ni Satanas imbes a praktikal ken etikal a sursuro? Maus-usar dagiti mosion picture ken pabuya iti telebision, dagiti pagiwarnak, dagiti magasin, ken dagiti libro tapno maidemonstrar no kasano ti agbalin nga imoral, ti agbalin nga anti-Cristiano, ti magtabbaaw iti Nasantoan nga Espiritu, ti mangidur-as iti maymaysa a relihion ti lubong, ken ti mangipababa iti pudno a Cristianismo.

Nakakaskasdaaw kadi nga inawagan ti Dios daytoy Roma, kulto ti one-world government, “ti ayup,”³ “ti naindaklan a balangkantis,”⁴ ken “Jezebel,”⁵ ken dagidiay a makipagpaset kadagitoy kas “anticristo”⁶ ken “narurugit nga espiritu?”⁷ Ti kulto ti one-world government a Romano Katoliko ket “aw-awaganna ti bukodna kas babai a profeta, tapno mangisuro ken manggar-gari kadagiti adipenko[ni Cristo] a maki-abig [ti agbalin nga anticristo], ken mangan kadagiti bambanag a naidaton kadagiti didiosen”: nga isu ti, panangadal kadagiti doktrina ken tignay ni Anticristo imbes a ni Cristo (Paltiing 2:20).

Imballaag ni Apostol Pablo, “Saanyo ipalubos nga adda tao a mangallilaw kadakayo iti aniaman a wagas: ta saan nga umay dayta nga aldaw [ti maikadua a yaay ni Cristo], **MALAKSID NGA ADDA PANNAKARE-GREG NGA UMUNA**, ken dayta a **TAO TI BASOL** ket maiparang, **TI ANAK TI PANNAKADADAEL** [dagiti adu a Judas Iskariote, naregreg iti Ayup ti one-world government a kulto]; Nga [agpada] a nangsuppiat ken nangitag-ay iti bukodna iti ngatoen ti amin a maawagan a Dios, wenno dagiti daydayawen; tapno isu kas Dios a nagtugaw iti templo ti Dios [ti bagi dagiti dati a disipulo ni Cristo], ipakitana ti bukodna kas Dios” (ti Dios dagiti dati a disipulo ni Cristo) (II Tesalonica 2:3-4). Agtuloy daytoy “agingga a maikkat isuna iti dalan. Ket maiparangton daydiay Dakes [ni Satanas ken dagiti pasurotna nga anti-Cristo], a dadaelento ti

Apo babaen iti espiritu ti ngiwatna, ken dadaelennanto babaen iti kinalawag ti yaayna ... gapu ta saanda nga inawat ti panangayat iti kinapudno, tapno maisal-akanda koma” (II Tesalonica 2:7, 8, 10). Ited dagitoy dati a disipulo ti amin ti korap a puso, panunot, ken pigsada—pannakabalin—para iti Ayup. “Ket naited ti pannakabalin kenkuana [ti Ayup]” (Paltiing 13:5). Nagbalinda a kalaban ni Cristo ken ti iglesiana.

Aramiden dagitoy nga anticristo ti amin a banag a kabaelanda tapno mapakapsutda ti trabaho ti Apo. Usaren ni Satanang ti pannakaammo iti nasantoan a surat nga adda pay laeng kadakuada tapno ballikugenda dagiti nasantoan a surat ken liputan dagiti pudno a Cristiano babaen iti panagsaksida iti falso maibusor kadakuada kadagiti sekular a korte. Nairanta daytoy a panangliput tapno madadael ti iglesia a kas ti panangliput ni Judas ti nangyapan ken ni Jesus idiy krus.⁸

Kinuna ni Juan babaen iti Espiritu Santo, “Ti agkuna nga ammok isuna ngem saanna met a tungpalen dagiti bilinna ket ulbod, ken ti kinapudno ket awan kenkuana” (I Juan 2:4). Kuna ni Jesus, “Ti addaan kadagiti bilinko ken tungpalenna ida, isu dayta ti mangay-ayat kaniak” (Juan 14:21).

Inikkan ti Dios ti tunggal tao iti wayawaya iti **PANAGKEDDENG** tapno agpilida no pagserbianda ni Cristo wenno ti Anticristo. Adda a naisurat, “Ta no agbasoltayo a **SIDUDUYOS** kalpasan nga inawattayon ti pannakaammo maipapan iti kinapudno [nagbalinen a Cristiano], awanen ti nabati pay a daton para kadagiti basol [awanen ti pannakapakawan dagiti basol]” (Hebreo 10:26). “Ta ti pungtot ti Dios ket naiparangen [naibagan] manipud langit [babaen iti Saona] a maibusor iti **AMIN A KINADAKES KEN KINAKILLO** dagiti tattao a manglapped iti kinapudno [ti Sao ti Dios] gapu iti saan a nalinteg” (Roma 12:18). Ti gunggunada ket “ti sigurado a nakabutbuteng ti kitana a pannakaukom ken umap-apoy nga unget, a mangdadaelto kadagiti kabusor” (Hebreo 10:27). “Kukuak ti pammales; **AGSUPAPAKAKTO**, kuna ti Apo” (Roma 12:19). “Nakabutbuteng ti matnag manipud kadagiti ima ti sibibiag a Dios” (Hebreo 10:31).

Agdama a nakatakder ti lubong iti tanap ti panggeddeng, agkedkeddengda no pagserbianda ni Cristo wenno ti Anticristo. Adu dagiti nagkeddengen tawtawenen ti napalabas. Daytoy ket mamadlaw iti agdama a naregget a Romano Katoliko, ti panagsukir ti one-world government maibusor iti Dios ken dagiti tattao ti Dios, ken ti naespirituan a pananglaksid nga

ipapaay dagiti pudno a Cristiano ken ni Satanang, ti gobiernona, ti balangkantis a nobiana, ken ti tunggal anti-Cristo, napno ken ni Satanang a tao. Ti gubat ti Armageddon ket isu ti gubat iti nagbaetan ti Dios ken ni Satanang para iti kararua ti tao. Agngudo daytoy a gubat inton maitappuak ni Satanang ken dagiti pasurotna nga anti-Cristo iti dan-aw nga apoy (Paltiing 19:20). Agingga a saan a madanun dayta a kanito, agtultuloy latta ti naespirituan a gubat.⁹ Iti daytoy a mismo a kanito, sapsapulen ti Dios ken ni Satanang ta bagim tapno naespirituan a pagnaedan ti maysa wenno ti sabali. Ti tulag ti Dios ket adda kadagidiay a mangawat iti Anakna iti terminona, dagidiay a dumngeg kadagiti amin a bilinna ken tungpalenna ida.

Ni laeng Cristo ti addaan pannakabalin a mamagkappia iti agnanayon a kararuam iti Ama, tapno agbalinka a naespirituan a templo ti Dios, ti bagi ni Cristo, tapno kenka, mabalinam a gun-oden ti rag-o ti agnanayon a biag, ken dagiti bendision a nadakamat iti tulag ti Dios.¹⁰ Daytoy ti kapapatgan a panggeddeng nga aramiden: iti agnanayon idiy Langit wenno agnanayon idiy Impierno.

MANNANGAASI LATTA TI DIOS KADAGIDIAY SAAN A NANGTABBAAW ITI NASANTOAN NGA ESPIRITU

Cristiano, no pinanawam ti umuna nga ayatmo (ti regget iti panagserbi ken ni Cristo), idiy-diaya ni Jesus ti maudi a gundawaymo nga agsubli iti Ama sakbay a maladaw ti amin. Serioso daytoy, awatem daytoy nga awis ken agyamanka ta addaanka iti naespirituan a lapayag tapno dumngeg, wenno ti Dios Mismo ti mangibaon kenka iti napigsa a pannakaallilaw ken iti managbasol a panunot tapno patiem ti ulbod. “Lagipem ngarud no sadino ti nakatinnagam, ket agbabawika, ken aramiden dagiti damo nga aramid; wenno umayak a nadaras kenka, ket ikkatek ti pagsilawam manipud iti ayanna, malaksid no agbabawika [ikkaten ni Cristo ti Bukodna, manipud iti templona, a ti kayatna saoen ket sika!!] ... Ti adda lapayagna, denggenna koma ti ibagbaga ti Espiritu kadagiti iglesia [dagiti templo ti Dios]” (Paltiing 2:5, 7).

Iti daytoy a kanito, agtaktakder ni Jesus babaen iti Espiritu Santo iti ruangan ta pusom ket agtuktuktok tapno ilukatam ket sumrek Isuna. Kuna ni Jesus, “No mangngeg ti siasinoman ti timekko, ket lukatanna ti ruangan, umayak kenkuana, ket makipanganak kenkuana, ken isuna kaniak” (Paltiing 3:20). Ikararagmo daytoy a kararag iti Dios Ama. Lukatam ta ruangan

⁸ Pal. 17:6 ⁹ “Ta dagiti igam iti pannakigubatmi ket saan a linalasag, ngem nabilegda mangrebba kadagiti sarikedked babaen iti Dios” (2 Cor. 10:4). ¹⁰ Deut. 28:1-14

ta pusom para iti biag nga agnanayon babaen ken ni Cristo:

APOK ken DIOSKO, maasi Ka kadi iti kararuak a managbasol.¹¹ Mamatiak a ni JESU-CRISTO ket isu ti ANAK ti sibibiag a DIOS.¹² Mamatiak a natay ISUNA idiy crus ken imbuyatna iti napateg a DARANA para iti pannakapakawan iti amin a napalabas a basolko.¹³ Mamatiak a ti DIOS pinagungarna ni JESUS manipud iti patay babaen iti pannakabalin ti NASANTOAN NGA ESPIRITU,¹⁴ ken agtugtugaw ISUNA iti makan-nawan nga ima ti DIOS ket iti agdama a dengdeng-genna iti panangikonfesarko iti basolko ken iti daytoy a kararag.¹⁵ Ilukat ko ti ruangan daytoy pusok, ket AWISENKA ditoy pusok, APO JESUS.¹⁶ Ugasam amin dagiti narugit a basolko babaen iti napateg a dara nga IMBUYATMO iti lugarko iti krus idiy Kalbario.¹⁷ SAANNAKTO a paglikudan, APO JESUS; PAKAWANEMTO dagiti basolko ken isalakanmo iti kararuak. Ammok gapu ta ti SAOM, ti Biblia, isu ti ibagana.¹⁸ Ibag a ti SAOM a SAANMONTTO a paglikudan iti siasinoman, ket mairamanak dita.¹⁹ Ngarud, ammok a NANGNGEGNAK, ken ammok a SINUNGBATANNAK, ken ammok a naisalakanakon.²⁰ Agyamanak KENKA, APO JESUS, iti panangisalakanmo ditoy kararuak, ket ipakitak iti panagyamanko babaen iti panagtulnogko kas AGMANDARKA ken babaen iti saankon a panagbasol.²¹

Kalpasan ti pannakaisalakan, ni Jesus imbagana nga agpabautisarka iti naan-anay a pannakaipabatok iti danum, iti nagan ti AMA, ken ti ANAK, ken ti ESPIRITU

SANTO.²² Adalem ti Santa Biblia [ti Ingles a King James Version] ken aramidem no ania ti ibagana.²³

Ti APO kayatna nga ibagam iti dadduma ti pannakaisalakanmo. Mabalimo ti agbalin a tagawaras kadagiti babasaen a maipapan iti Ebanghelyo nga insurat ni Pastor Tony Alamo. Ipaw-itmi ti babasaen kenka nga awan bayadna. Agtawag wenna ag-email ka kanyami para iti ad-adupay nga impormasyon. Ibingaymo daytoy a mensahe iti dadduma.

No kayatmo ti lubong a maisalakan, kas inmandar ni JESUS, saanmo ngarud a taktakawan ti DIOS kadagiti KUKUANA nga apagkapullo ken datdaton. Kuna ti DIOS, “Takawan kadi ti tao iti DIOS? Ngem TAKTAKAWAN-DAK. Ngem ibagayo, sadinno ti nangtakawanmi KENKA? Kadagiti apagkapullo ken datdaton. Nailunod kayo iti lunod: gapu ta TINAKAWANDAK, uray pay daytoy buo a nasion [ken daytoy buo a lubong]. Yegyo amin dagiti apagkapullo [ti apagkapullo ket iti 10% iti amin a pastrekmo] iti kamalig, tapno addanto ti karne [Naespirituan a makan] iti BALAYKO [naisalakan a karkararua], ken PADASENDAK iti daytoy, kuna ti APO dagiti BUYBUYOT, no saankonto nga ilukat kenka dagiti tawtaw ti Langit, ken ibuyatko kenka ti bendision, nga awanto ti kwarto a makalaon a mangawat iti daytoy. Ken ungtakto ti mangdadael para kadakayo, ket saannanto a dadaelen dagiti bunga ti dagayo; uray pay dagiti ubasyo saanda nga ited ti bungada sakbay iti panawenna, kuna ti APO dagiti BUYBUYOT. Ken amin dagiti nasion ket awagandakanto a nabendisionan: ta sikanto ket makaay-ayo a daga, kuna ti APO dagiti BUYBUYOT” (Malakias 3:8-12).

11 Sal. 51:5, Rom. 3:10-12, 23 12 Mat. 26:63-64, 27:54, Luc. 1:30-33, Juan 9:35-37, Rom. 1:3-4 13 Ara. 4:12, 20:28, Rom. 3:25, 1 Juan 1:7, Pal. 5:9 14 Sal. 16:9-10, Mat. 28:5-7, Marc. 16:9, 12, 14, Juan 2:19, 21, 10:17-18, 11:25, Ara. 2:24, 3:15, Rom. 8:11, 1 Cor. 15:3-7 15 Luc. 22:69, Ara. 2:25-36, Heb. 10:12-13 16 1 Cor. 3:16, Pal. 3:20 17 Ef. 2:13-22, Heb. 9:22, 13:12, 20-21, 1 Juan 1:7, Pal. 1:5, 7:14 18 Mat. 26:28, Ara. 2:21, 4:12, Ef. 1:7, Col. 1:14 19 Mat. 21:22, Juan 6:35, 37-40, Rom. 10:13 20 Heb. 11:6 21 Juan 5:14, 8:11, Rom. 6:4, 1 Cor. 15:10, Pal. 7:14, 22:14 22 Mat. 28:18-20, Juan 3:5, Ara. 2:38, 19:3-5 23 Deut. 4:29, 13:4, 26:16, Jos. 1:8, 22:5, 2 Tim. 2:15, 3:14-17, San. 1:22-25, Pal. 3:18

Kontaken dakami para iti ad-adupay nga informasion wenna babasaen iti dadduma a topiko nga ayan ti interesmo.

Tony Alamo, World Pastor, Tony Alamo Christian Ministries Worldwide • P.O. Box 2948, Hollywood, CA 90078 USA
Linya ti 24-Oras a Panagkararag ken Imformasion: (661) 252-5686 • Fax (661) 252-4362
www.alamoministries.com • info@alamoministries.com

Ti Sangalubongan a Nakristianoan a Ministri ni Tony Alamo ket mangipaay iti lugar a mabalin a pagtalinaedan nga addaan kadagiti bambanag a nasken iti panagbiag para kadagidiy adda iti lokasion ti U.S. a pudno nga agtarigagay nga agserbi iti APO iti amin a puso, kararua, panunot ken pigs.

Dagiti Gimong a maar-aramid iti Ciudad ti New York Tunggal Martes iti 8 P.M. ken iti dadduma a lokasion iti rinabii.

Tawagan (908) 937-5723 para iti informasion. ADDA MAIDASAR A MAKAN KALPASAN TI TUNGGA GIMONG.

Dawatem iti libro ni Pastor Alamo, Ti Mesias, a mangiparang ken ni Cristo manipud iti Daan a Tulag iti nasurok a 333 a padto.

Makipagtrabaha iti panagapit iti kararua babaen iti panangiwarasmo kadagiti babasaen a sinurat ni Pastor Alamo.

Amin dagiti babasaen ken dedenggen a mensahe ket awan bayadna, agramanen ti pannakaibusonna.

Nu adda ti agpabpayad kadakayo, tawagam daytoy a numero (661) 252-5686 collect.

LINAON DAYTOY A BABASAEN TI PUDNO A PANGGEP TI DIOS A PANANGISALAKAN (Aramid 4:12).

SAAN MO NGA IBELBELLENG, IPASAM ITI SABALI.

Kadakayo nga adda iti dadduma a nasion, awisendakayo a mangipatarus iti daytoy a babasaen iti bukodyo a pagsasao.

Nu iprintayo manen, inayunyo daytoy a kalintegan iti kopya ken pannakairehistro:

© Kalintegan iti Kopya 1993, 2014 Amin a kalintegan naited World Pastor Tony Alamo © Nairehistro 1993, 2014

ILOCANO—UNVEILED